

國朝先正事略

國朝先正事畧卷五十五 孝義

平江李元度次青纂

趙孝子事母 閔孝子

趙孝子希乾字仲易江西南豐人。父師高嘗從豐城李見羅先生游。著有潛然集。九邊屯田議等書。早卒。孝子依大母母以生。年十七。母抱病月餘。日夜禱神祈身代。不愈。往問吉凶。於日者。答言無生理。往卜於市。占者復言不吉。孝子踟躕不去。曰。何以救吾母。占者惡其煩數。詢孝子而嘻曰。危矣。剖心其可救乎。聞者皆怪之。孝子心識曰。者言歸見母病益危。篤作疏告神。書遺言付仲父及弟。封識之。時日光斜。淋席寂無一人。孝子取笥。

中蓬髮小刀坐牀上剖胸深寸許以手入取其心不可得忽風  
聲震撼衝其戶孝子驚疑以爲有人至四顧周章急反刀剖其  
胸肉置几上復取腸出斷數寸蓋人驚則心上忬腸盤旋滿胸  
腹云孝子置腸肉釜上悶絕於牀弟妹出見釜上物以謂孝子  
割腹也烹而進之母再視孝子血淋漓胸腹開氣垂絕始知其  
剖心城邑喧傳聞於令令親往視之命醫調治母子病不數日  
母病愈孝子亦漸進食飲唯胸前腸出不得納每日子午間腸  
端懸濡濡下月餘胸肉合終身矢從胸上出而穀道遂閉飲食  
男女如常人明學使者侯忠節公峒曾聞其事拔充博士弟子  
員尋選補壬午恩貢甲申後奉母避亂山中貧甚賣卜以爲養

又十餘年母壽八十餘乃卒。孝子高準大耳頤而長。天性渾樸。客或求觀其胸。下腸解衣示之。兩乳正中。閒腸突出寸許。色鮮紅如血。以帶繫竹筒懸於項。及嚔承其糞。曰必洗且換。至再三。蓋三十餘年矣。母終。未十年。孝子亦卒。年六十有一。同時浙西有閔孝子者。事與此類。

閔孝子。佚其名。湖州之南鎮人。性粗繆。力耕。未嘗讀書。而事父孝。父爲老。請生年七十二。病且革。戚里咸勸治後事。孝子不聽。一日父病霍然起。又數日。受杖履矣。人莫測所由。司曰。孝子呻吟牀第。聞狀甚苦。妻數叩之不答。晨起見其病。心雖堪。然其伺其寐發所捫處。見創則大驚。孝子不能諱。曰常聞人言親病。

不可救者。得子心片許。雜飭粥噉之。可治也。予不忍父病不救。請於神。引刀刺胸。出心。割片許。適夜半。父呼。飲納湯中。以進。不意。父果霍然。當刺時。不甚楚。割畢。創卽斂。如未刺時。今始不能。忍然。祕之。勿以威吾父也。妻大驚。白之醫。醫曰。嘻。願安所得藥。妻泣請不已。妾出藥塗之。去言必死。詰朝。藥忽逆落。創痕已失所在矣。事聞於

朝。康熙甲辰。被旌。詔下之日。惟其父拱立閭左。郡邑大夫讓孝子出。則已先二日遁去。

黃孝子事畧 顧廷珩 劉龍光

黃孝子名向堅字端木江蘇吳縣人父孔昭舉明崇禎癸酉鄉試官雲南大姚令鼎革後阻兵不得歸孝子孑身往尋之以家事付其妻曰此行不見父母決不歸也族黨皆阻之不顧既出門遇客之舊往滇者詢之告以道里之遠山川之阻戈鋌之擾狼虎之暴與盜賊剽掠猺獠番鬼之險惡復阻之卒奮然往一蓋一笠披零丁帖越關數百重將及滇滇人訝其形容衣服不類欲加刃時兵戈未靖疑爲間諜也告以實痛哭如嬰兒眾乃釋之至白鹽井遇父母及從弟向嚴俱無恙喜極哭失聲發跡皆爲感動踰一年得歸歸時途中與弟親扶籃舉怡怡如也始

順治八年十二月訖十年六月往返二萬六千餘里吳人作樂  
府以傳其事而吳江潘檢討未至我刺自稱弟子同時孝子又  
得二人焉曰顧廷琦曰劉龍光

顧孝子廷琦字珮堅長洲諸生也父繩誥崇禎庚午舉人知蜀  
之仁壽縣張獻忠破成都不屈死天下既定孝子步入蜀薰而  
赤蹕前後歷四寒暑始得扶榿歸中間川水暴漲幾死絕粒數  
日幾死遇盜劫幾死隔穹崖絕壑墜深淵幾死而卒不死不死  
而卒扶榿以歸天相之也方孝子之成都時山川猶存城郭易  
位無有知瘞葬處者呼號路側誓不後生由遵義民訪之殷繼  
周黃珪由繼周珪訪之文運由文運訪之曾人禮始得諸龍脂

橋側廬墓數月往返六萬四千餘里抵里門鬢髮白矣事詳孝子自撰入蜀記。

劉孝子龍光者字藝蕭亦長洲諸生父廷諤官明益王府長史國初道梗孝子始以省試歸兵後不知父母存沒日夕涕泣家故貧徒步往建昌時益府舊人無在者禱於張令公之神夢中若有告以石梁者然不知所謂久之遇一女僧云石梁爲閩粵交界處今官道阻兵出閒道往七日可達孝子乃盲死穿藤岐一縷天踰白石嶺高萬仞蟻旋而上血漬雙足過山麓得微徑俯視山下有村村中板屋三楹流泉泱泱鳴石上孝子心動謂得母卽石梁乎叩其戶則母管孺人出焉喜極而哭問父所在



先二年卒矣。又大哭問。曩何地。則在板屋中。又哭。村民聞哭。皆來觀。曰。吾鄉舊名見娘村。宋孝子王龍山見母處也。今遇子。又一孝子矣。乃涕泣奉母扶櫬歸。孝養十餘年。母沒。以哭母待心疾終其身。

錢孝子事畧 劉應煜 劉德漢

錢孝子名美恭。浙之紹興人。父士驥。明季由舉人授雲南陽宗知縣。有子三。孝子其季也。八歲時。庶母與仲兄之官。孝子及伯兄待母醕。故鄉未幾。明亡。滇南道梗。伯兄亦卒。順治戊戌。滇方內附。孝子欲往尋親。母弗許。康熙癸卯秋。復請母曰。空囊能行萬里乎。孝子曰。此不可。意料絕處逢生。未可知也。遂行。由江西抵廣東。病幾殆。詣六閩。月至南甯。瘴氣方惡。歷月餘。至廣南。又病。瘡力疾。行山徑十步。九頓。抵蒙自。宿土城旅店。竟夕不寐。悲吟聲達戶外。有滇人楊姓者。問之。告以故。樹曰。是故錢守兒耶。守以考。最播知。嵩明州乙未五月卒。官葬通海縣之南山。在海。

復舉兩子兵燹後君家兄弟僮僕不知散失何所矣。孝子聞言五內崩裂至通海問南山無知者痛哭於路左觀者訝之爭問故有老人曰我爲闕氏兄應乾錢公乙酉所取士也有童姓者君家舊僕盡詢之至則僕適他往其婦滇人也詰問再三愕然曰此豈浙來小主耶有頃僕歸不復識詳告之乃相持哭叩其始末一如楊姓言尋謁墓南山仲兄至亦不相識矣詰旦探庶母幼弟居敝廬困甚時甲辰十一月五日也謀歸父骨無資寄跡僧寮復流寓高明自乙巳至戊申展轉丐貸乃藉張泉使之力得偕仲兄負骨歸兩弟及庶母畱滇是年九月十五日抵家蓋往返六年矣好事者演傳奇曰尋親記觀者皆爲泣下

同時有劉孝子者名猷。煜字台凝。陝西華陰人也。父濯。真宗禎  
開司訓武昌。偕其妻及幼子以往。而孝子畝家視墳墓。流賊擾  
楚豫間。道絕。失音耗十餘年。順治初。孝子徒步求父母。楚中時  
寇亂。垂定。燄火猶數。舉紆迴險隘。出入鋒刃。開履。積死。乃達訪  
舊時侯役。流亡都盡。日夜哭泣。遇人輒誦。莫有知劉教官者。  
一日。哀號山徑中。一老人聞之。曰。劉教官夫婦死久矣。其子爲  
盜掠去。孝子頷老人導之。至瘞所。發之。見軀焉。朱書記姓名。繼  
質皆合。猶濯翼所自書也。孝子乃得負其父母骸骨。歸。肩肉爲  
枯者數寸。孝子彊直自遂。爲邑諸生。嘗以言語忤學師。置劣行  
法。當除名。提學道田君厥茂。集多士問狀。眾以其事對。田乃唱

然嘆曰。是則孝子。宜旌矣。遂得釋。而孝子自是不復應試。晚而請樹藝。爲小園。讀易其中。從容朝夕。有忤之者。置弗校。年八十餘卒。

又涿州劉孝子名德。瀟國子生。父源。汴明季官鵝臚寺鳴贊。流賊破京師。按京朝官及選人籍。名索諸薦紳。榜掠之。號曰追賊。或立鬻。或賂而免。或受其賂。而又殺之。方是時。源汴名亦在索中。孝子匿源汴他所。而身自詣賊。曰。劉鳴贊。卽我是也。賊拷責。數百。孝子默無言。久之。度父已遠去。乃奮起。叱咤罵賊。賊怒。杖殺之。而源汴竟行。遷沒齒不出。蓋身不罹刑辱。名不汚賊黨。一時士大夫類莫能及云。

顧孝

顏孝子伯瓊字士瑩山東曲阜人復聖六十六世孫也性孝友補四氏學生員父允紹明季官河間知府敵兵至城孤乏援力不支朝服北向拜闕室自焚死孝子與弟伯玠時家兗州兵亦至城將陷兵民皆竄孝子體肥不能走伯玠手掖之以行步益窘孝子曰同死無益弟急去猶可活也伯玠不肯釋孝子給弟他顧躍下城伯玠俯視痛哭矢及其身而卒孝子仆地傷左足夜乃甦爲蓮卒所得見其修髯偉貌不敢害昇以告其帥孝子見帥不爲屈帥驚異問之則顏子後也遂延之坐留帳前有被掠者偶語曰昨見城中婦女十數輩還卒驅以走中一婦不肯

行卒反刃擊其臂。臂折猶罵不已。卒殺之。牆下有媪。過之。指曰。此顏氏婦也。孝子曰。得非吾婦朱氏乎。告其帥。跡之。果然。蓋刃傷已四日矣。驗其息。猶未絕。載之。還復活。帥謂孝子曰。而日念而父。然充州破時。河間陷。已一月矣。孝子聞之。長號力請於帥。護之出軍壘。蹣跚走河間。時盜賊充斥。白刃塞於前。積日不能得食。每被執。輒抗慨與語。輒得釋。卒達河間。哭其父甚哀。路人皆哭。方其父之自焚也。幼子伯珣甫六歲。僕呂有年抱之出。火負而走。道中流矢死。伯珣匿民間。願得免。孝子既拾父遺骸。復訪得其弟與俱還。倪文正公元璠。河間公。座主也。至是道經河間。爲文以祭。曰。父忠子孝。是吾師矣。由是孝子之名聞一時。生

平坦易而家法嚴以肅。友愛季弟同居無閒言。訓子孫以經義。鼓琴賦詩自娛。恆自言壽止六十一。果驗于光猷。官編修。光敏進士。官吏部郎中。皆有文名。性亦孝。執親喪。躑躅盡哀。淚與血俱。四方觀禮者有類。丁善於喪之日。



陳孝子事畧 賀上林 何士閔

陳孝子名嘉謨。字我師。江蘇興化人。邑諸生。順治初。父宏道。爲怨家所誣。繫府獄。獄卒絕其糲餼。孝子乞一見父。不許。知羣小計。必殺之。乃痛哭於城隍神。作血書。懷之。出。自沈於河。是夜蒼頭守舍。候孝子不歸。忽聞哭聲。自外至。扣門甚急。啟視。無人心。怪之。及明。兩淮通使白某得一函。啟視。則嘉謨訟冤血書也。連使大驚。適蒼頭亦來訴。求其尸。七日。出自鈔關。河屹立風浪中。髮皆上指。遂出宏道於獄。收葬孝子。而抵誣告者罪。後十餘年。有賀孝子事。

賀孝子上林。丹陽人。父天紋。以事件令繫獄。將殺之。孝子年十

八。謀。脫。父。不。得。聞。巡。撫。將。至。涉。江。溯。淮。迎。舟。大。呼。騶。從。呵。之。不。得。前。積。極。遂。投。河。髮。沒。數。寸。復。躍。起。大。呼。巡。撫。令。急。救。之。已。死。檢。其。衣。得。一。紙。則。白。父。冤。狀。也。巡。撫。按。部。具。得。令。不。法。狀。黜。之。釋。天。赦。於。獄。鄉。人。爲。立。賀。孝。子。祠。又。何。君。上。闕。者。安。徽。南。陵。人。也。有。族。人。滿。盜。破。其。祖。母。冢。以。葬。視。孝。子。訟。之。官。三。年。不。得。直。會。巡。撫。檄。兩。縣。令。會。勘。滿。健。訟。事。仍。未。白。士。闕。大。慟。觸。碎。腦。裂。而。死。令。義。之。勒。滿。起。棺。治。其。罪。葬。士。闕。題。曰。義。士。何。士。闕。之。墓。

曹孝子事畧

張維德

張振祚

薛文

薛化禮

曹孝子起安徽和州諸生有學行順治十六年海寇鄭成功犯江甯掠及州境孝子奉親出遊猝遇寇兵欲戕其父母孝子號泣請代寇聞而釋之家貧力供甘旨以養居喪負土作墳家有紫微一株父子植也久枯孝子每對之哀慟忽復發花時人以爲孝感康熙四十二年旌孝子以身代親死事與張孝子維德欽相類維德合庀人明崇禎乙亥流寇入境執其父將見殺孝子年甫十五歲延頸就刃求代父賊義而釋之越順治丙申父卒哀毀骨立廬墓側三年又張孝子振祚廬江人也父宏任攝帑知四川嘉定州崇禎壬午流賊逼城孝子奉父命領教騎



子不屑意。徐負母逕入戶。去久之。母益篤老病。且死。殯葬皆竭誠信。毀不能出戶。傭主蹤跡至其家。二人則骨立不能起。哭益哀。向鄰人索粥糜羹。活之數日。兄弟竟俱死。時康熙四十二年也。知州事何偉表其閭。又四十四年。學使朱筠。祠其主於何公祠。且爲之記。

趙孝子事親

趙孝子名萬全。浙江會稽人。父應麟。爲傭而貧。託教授。出遊四方。時孝子甫周時。應麟出無所遇。久客益困。明亡。天下亂。阻兵不得歸。轉徙他鄉。以沒。棄其家二十年矣。孝子幼。數從母問父。何忘返。今安在。母持之泣。且曰。兒知憶而父甯。使父得歸。卒撫爾乎。孝子則大痛。年十九。請於母曰。兒已長。願往尋父。幸必奉父還。眾止之。不可。遂獨行。求父。度淮南北。歷燕齊。穿楚豫。秦隴。所值。雖傭保。負販。浮屠。術師。流丐之倫。皆潛察。無敢忽。慮其父之或遁。於是也。周行五六年。日不再食。憊甚。柴立如植。鱗然。終已不遇。心疑父已死。遇骸骨之委溝壑者。輒漉血澆之。堅不入。

乃捨去復誣號於塗。初孝子將出懼已不審父狀則張牘書應  
麟名及鄉里年歲容貌揭於背以行久之抵馬邑馬邑故山西  
邊兵後人烟凋喪孝子旁皇無所告張文義者縣人也聞之太  
息曰嗚呼是豈趙君兒耶亟走視問其籍故會稽誦所書牘曰  
是矣吾幸識而翁翁客遊無所寄食窮歸我嘗爲我授書甚適  
吾哀其旅死也櫛而封之高不及馬腹手表之木今且拱孝子  
聞言擗地慟奔之窀所號而仆絕復蘇者數乃負骨歸冀少慰  
其母馬邑人爭來聚觀皆泣下少畱之不可旣歸服斬衰躬饘  
塊築墓時哀號復託教授供其母極艱且勤母亡得合葬廬  
冢上三年康熙己巳孝子卒後四十餘年守土吏上其事於

朝一詔祠之廟且賜金俾冢石而旌其門。



王孝子事畧

王孝子原直隸文安人也。父珣。當明季。苦歲荒。役重不能支。辭其妻曰。我去則追呼不及門。嫠婦孤兒。庶可安也。遂逃去。不復返。時孝子方在抱。稍長。從羣兒學。有嘲其無父者。歸問母得其故而悲之曰。我當求父母。曰。兒幼不能也。孝子慧甚。及長。設酒肆。多作裨屨。諸行色所需物。遇遠客至。則資而厚款之。不受值。問所欲。曰。吾父姓某。名某。貌若何。亡出有年矣。倘所寄寓。若道途邂逅者。客幸爲兒迹訪。相告生死。不忘酬也。居久之。無所得。旣娶婦。乃復辭母。覓父去。母泣留曰。年遠。父存亡不可知。且若父。毗耳。流落何處。誰知名者。無爲父子相繼作羈鬼。使我無依。

孝子痛哭曰不得父兒不歸也幸有婦侍母母勿以兒爲念遂行足迹半天下日乞食充腹跌步重趺至見骨南北去來積十餘年無倦色一日渡海至田橫島假寐神祠中夢至一寺當午僧炊莎食之味苦以糲肉爲湯和之乃甘尋驚寤遇一老父曰孺子憊甚何爲者孝子以情懇且語之夢老父曰試爲子占之午者正南位也莎根附子泥肉和之附子膾也求之南方父子其會乎孝子喜拜謝遂南踰洛漳向洛汝而行所歷寺皆遍已而至輝縣之帶山有寺曰夢覺孝子心動曰吾夢豈至是微耶天雨雪寒甚臥寺門外有僧見之詰知其尋父也憐之導見其師與之食師曰子何貫曰文安曰吾徒舊有文安人者盡出與

鼓鄉井乎及相問姓名卽其父也乃相抱持慟哭父猶未肯卽歸曰吾棄家久矣無顏復返孝子牽衣哭不止寺僧皆感動勸其父曰若不歸子必死子死妻媿必繼死奈何忍滅一家親也於是相將還里門夫妻子母復聚鄉人嗟歎父子並登大壽比孫而顯貴科名繁盛迄今稱右族焉

耿孝子事畧 耿極 耿光 耿於彝 耿輔

耿孝子名耀。河南太康人。邑諸生。少從兄光學。事之如父。凡出入起居。必諮稟而後行。光嘗與之財。孝子曰。家有長兄。我無用此爲也。崇禎壬午。李自成陷太康。孝子率弟炳。肩輿與母避河朔。貿易以供甘旨。母病。孝子朝出經營。暮歸侍疾。衣不解帶者累月。母沒。扶柩渡河。將殯於祖塋。會鎮帥高傑兵作亂。道梗塞。孝子從刀山血海中。挽車以葬。不怵也。時定與耿極。與弟極。以孝友稱。炳嘗慕其爲人。訂爲兄弟。分宅以居。且贈田四頃。其義譜有云。性地成宗。心源爲譜。孫夏峯徵君聞而義之。爲作三耿合傳云。光字伯明。邑諸生。事繼母孝。教諸弟嚴。家世業農。父應

科好施與。七世同居。子姓百餘口。置園几二。外則男子。以次共食。內則婦女。以次共食。額其堂曰效藝。嘗赴省試。拾遺金數百。於旅舍。俟其人歸。之。嘗言行事當以聖賢爲法。始無悔事。立心當求鬼神可鑒。始無愧心。其刻志勵行如此。子於彝有學行。光卒未葬。值流賊屠太康。居民逃竄。於彝獨抱父柩。號泣不去。賊大至。慌之曰。汝獨不畏死耶。推墮城下。傷腰背。幾死。越三日。賊退。踉蹌歸家。以土掩柩而後去。時歲大祲。人相食。邑令餽穀四十斛。悉推其餘。以賑貧人。督家僮廣種菜。明春菜發。任人刈取。所全活無算。年八十二。無疾而終。耿氏以孝友名世。子姓守其家法。中州稱禮讓者。以耿氏稱首。又有耿孝子輔者。虞城人。邑

諸生早喪父。奉母避亂開封。會流寇決河灌城。輔倚浮木負母渡水。逃獲免。後居母喪。哀毀骨立。編衣粗食。終其身。以子悖貴。贈給事中。與於彝並祀鄉賢。

國朝先正事畧卷五十六 孝義

平江李元度次青纂

劉孝子事畧子青纂 王 珽 李 惻 劉 星 郭培壩

劉孝子恩廣。河南襄城人。當明季寇亂。父漢臣被執。孝子方十歲。號哭奔赴。父已被害。慟哭收父屍。賊怒。截其耳鼻。不肯去。賊憐而釋之。負父屍以歸。兄弟同居。終身無閒言。有姊少寡。迎歸。撫其二子。給以田產。母歿。哀毀嘔血。遂以卒。寢門外產芝三本。人咸謂純孝所感。云子青。康熙丙戌進士。選庶吉士。性敏。好學。博極羣書。十歲遭父喪。哀毀。嘔血成疾。後母患疝。目不交睫。衣不解帶者七閱月。於仕進。請急家居。不復出。母數促之。終

不忍離膝。下生平清介自守。及母卒。囊無一錢。邑令致賻始克  
殮。父子並祀鄉賢。

同時王孝子。庭祥。符人性純孝。年八歲。侍祖父疾。母氏刲股以  
療。翁孝子十指忽痛甚。趨問母知其故。卒飲泣不言。以成母孝。  
與子符震同舉。康熙甲子鄉試。乙丑成進士。部檄至。依依不忍。  
離膝下。父母督之。不得已入都。一夕夢中忽驚悸恍惚。母氏刲  
股時情狀急馳歸。母疾已大漸。人以為誠孝所感。服闋父促令  
就銓。得新會令。會裁缺。卽告養歸。絕意仕進。所學一宗程朱。淹  
貫經史。尤邃於易。祀鄉賢。又同郡李孝子。憫尉氏人家貧。以木  
工營生。父患痺痿。孝子事之惟謹。遇歲歉不能養。乃乞食於市。



歸以啖父。後得賑穀一石。慮不可長。繼日舂升。許供父。而以糠  
糝自啗。及父病劇。夜中鄰人猶聞孝子撫摩嗟泣聲。遲明則孝  
子已抱父足死矣。其父亦一慟而絕。鄉人重其孝。爲葬之。雍正  
十一年旌。又有劉孝子星者。祥符人也。爲諸生。有學行。年十  
三喪父。哀毀逾常。母病。剖左股以進。疾遂瘳。生平雖盛暑。未嘗  
袒裼。恐人見其創痕也。後以子士聰貴。贈給事中。

又郭孝子培壩。新鄉人也。邑諸生。性至孝。母沒。廬墓三年。晨夕  
哀號。塋外舊有先世祠。一夕失火。孝子抱木主冒火出。倉卒中  
遺生母像。復衝入烈焰中。檢得之。身幾殞。性尤廉介。取與無所  
苟。有藥買。止宿其家。遺金百兩。孝子追還之。雍正六年旌。

顏孝子事畧 頤 齋

顏孝子中和本名發祥吳之楓橋人其父宏仁順治初有怨家周昌者乘亂借其黨十餘人誘宏仁閉空舍中殺之而棄其首已顏氏得道旁尸驗之良是屢購其首無有也及物色殺者主名知爲昌遂控諸官不得直時孝子年甫十三痛其父被殺嘗與兒孟和取析薪斧出礪之復束橐草如人形書昌姓名其上以試斧如是者數矣鄰里知者數易之以謂此穉子戲耳詎昌聞之顏心動然亦未暇備也逾三年孝子懷斧竊告其母曰兒將往復父仇母大駭搖手止之曰昌無籍有膂力汝弱小何能爲慎勿自速死也孝子奮衣出門不顧是日值昌市中孝子陰

尾之行昌不知也。行稍前，遽自後揮斧中昌首，流血被面。昌方左右顧，又斧之。會其母，趨孟和走視弟。孟和趨至，昌已死。兄弟相率號於眾，請偕詣官首罪。眾如其言。既至縣庭，孝子與孟和爭自承殺。人官不能決，眾從旁分別言之。始下孝子於獄，其母蒲伏往視之，且哭且撫其背，詭曰：「駭兒，豈不聞殺人者死，顧欲以父子兩命易人一命耶？」孝子怡然曰：「父仇得復，死不憾。其明年巡按御史錄囚，遂釋孝子。而周昌前所與其殺宏仁者，十餘人先後皆病死。臨死時，皆言顏泰如守我，徧體青赤色。若有擊之者，或又言泰如幸緩我，泰如者宏仁別字也。不期年，十餘人無一在者。而孝子兄弟無恙。」

顧孝子鼈亦吳縣人也。年二歲時父仲常爲其仇金瑞甫所殺。鼈稍長知父死狀。卽淬一刃挾以出入。金亦避之。順治辛丑。鼈年十八。遇金於胥口。拔刃刺之。金躍入水。鼈從之。連刺不死。金逸去。挾重貨誣鼈以盜。兵備王紀郡丞劉瑞訊得實。卒誅瑞甫。

吳孝子事畧

孝子姓吳名紹宗字二璧江西新城人性敏善屬文弱冠補諸生第一屢試輒高等父道隆病久之痺不能起前後血並下醫藥十餘年罔效康熙戊午正月病甚孝子惶恐無所出乃齋沐焚香告天地刺血書疏將謁大華山自投捨身崖代父死大華山者撫州崇仁縣名山也距新城三百里相傳神最靈異諸來謁者有罪輒被禍不得上甚則有靈官擊殺之同行人間鞭撻鈔然或忽狂病自道生平隱愿而神殿左有懸崖陡絕曰捨身崖人情急不欲生者則擲身投之頭足盡破折死孝子既告天作疏獨身行二日至山上宿道士管遜吾寮同寮宿者南昌鄉

先生二人同郡邑諸生二人十八日孝子入廟默禱焚疏訖同寮人邀遊著棋峯路經捨身崖孝子忽越次前行至崖所歎然投身下同行人驚絕不知所爲一時傳駭聚觀者千人道士趨買棺往就殯白山頂至崖下路紆折四十里而殿上道士急奔崖所呼眾人曰誰云吳秀才投崖死者今方在神座下叩頭方巾道服如故眾走視之果然方孝子之自投也立空中不墜問曰視足下有白雲起遙望見石門門上一大孝字俄見三神人命之曰孝子吾左側石有仙篆九十二畫汝謹識之歸書紙食汝父不特卻疾且延年更授治痢瘵驅癘咒并諸篆孝子叩頭謝畢身已在殿上孝子乃言吾如夢中也遂馳歸一日有半而

至家。至則父垂絕。孝子急書一篆焚服之。室中皆聞香氣。甫入  
口。父喟曰。是何藥耶。疾大愈。孝子徒步往返六百里。不飲食者  
五日。而父乃益康。強善飯。以詩酒自娛。年九十二。無疾終焉。孝  
子生平好名義。輕財。數爲人解訟。聞旣感神應。益自修。人病苦  
者。恆用符篆救之。以施藥爲名。

朱孝子事畧

孝子姓朱名壽命。江西餘干團湖村人。康熙乙卯。遭亂與母李相失。孝子日夜泣。不欲生。如是者數年。一夕夢若有神語云。汝母無恙。籍正藍旗下。孝子益痛哭。遍拜其戚族鄰里。且與訣曰。壽命苟不見母。不生還矣。短衣芒屨。背黃袱。足屨赤。露匍匐三。千餘里。走京師。至則行乞市中。或遺以餅餌。則自食。遺以銀錢。則紉衣縫中。竟日忍餓。不敢費一錢。爲贖母計也。蹤跡久之。果得母所在。如夢中語。而旗人故邀重賈。拒孝子。孝子曰。踰其門外。雙膝爲腫。遇母。生曰。持肉麪一盂。踰進。母伺母食畢。然後起。邵遠平學士時官京師。義而曠之。既出。無所依。因畱學士家。母



性下急。小不如意。則詬習不休。甚則捽而批其頰。孝子益嬉笑。謝曰。恐傷母手。後數月。得便舟。奉母歸。餘干孝子體羸面黃。不知書。故其語質。每對人言。在母腹時。日吮母血。三合。何忍不報。蓋其天性也。

楊孝子事畧 蕭日瑛

孝子名文蔚浙江上虞人父榮明諸生康熙丁未父年八十有七病孝子走廁脛嘗其糞廿號於天請身代不得父竟死越十年母病瘠中死法醫者凡數輩皆辭去孝子獨念父危死不救今復爾生男何爲也世已無鍼灸技豈湯臚亦告絕乃闔戶封左臂以其肉雜糞汁灌之三灌三進母病霍然已時丙辰九月二十一日也方孝子將封臂束臂以兩麻令肉墳起然後迫噬之而脫之以刃故創甚鉅骨露凡百二十日始合創人不知也

六年邑令廉其事告諸臺使者將旌之孝子再拜泣辭固強之泣愈甚乃題其門曰以身壽母孝子爲人謙而和輕財好義不

以俠烈名人以孝稱之必變色踧踖。每月吉輒禱城隍神願洩  
年益母壽。然秘不令諸兒知。若惟恐以獨行傷兒。意者同時有  
蕭孝子者。江都人也。諱日璜。母朱氏病且殆。孝子刲腸割肝使  
婦虞氏和藥進。母病愈。而孝子死。孝子既喪。虞氏謂母初愈  
不當使聞。增悲慟。乃匿語姑曰。日璜出耳。殯孝子他室。貧則衰  
經而哭。入則常服。而奉進食飲。孝養十餘年。姑死。虞氏守節以  
終。孝子事在康熙時。墓在梅花嶺東。邑人祠於墓側。轉運使朱  
孝純主修其祠宇。爲立碑而銘之。

張孝子事畧

郭岩鼎

江大賓

張孝子森，字洪居，福建連江人。生有至性。父震，公掣家避亂於邑東之岱堡。順治十三年，海寇陷堡，張氏一門殲焉。獨震公以他適免。孝子時年七歲，被掠往龍巖。既鬻之廈門，稍長，備於清漳。震公謂其已死也。康熙十年，孝子年二十餘，思念其父母，每遇佳辰，輒兩泣。或夢中號哭不止，願忘其鄉邑及父名字，因為備時人謂其語音似連江，而彷彿憶天真者，父名也。遂奔連江。越數日，無所嚮，哭於途。或問父何名，泣曰：忘之矣。此閒母，乃有張天真耶，願見其人。於是震公問之曰：天真，吾亡弟彼焉，得識之急，走視，遇於南關，叩其詳，大喜，攜與歸，呼其母出，曰：吾兒

洪。不。死。今。歸。矣。孝。子。執。視。母。良。久。曰。非。吾。母。也。震。公。曰。果。非。  
爾。母。也。母。亦。斃。於。賊。矣。此。爾。繼。母。耳。孝。子。捨。地。大。哭。自。是。事。繼。  
母。如。所。生。念。母。死。於。賊。賊。仇。未。復。慟。不。欲。生。更。持。服。三。年。每。哭。  
失。聲。鄉。里。賢。之。雍正。七。年。旌。同。時。有。郭。君。居。鼎。者。海。澄。人。由。  
歲。貢。歷。官。戶。部。郎。中。幼。失。怙。恃。哀。慕。終。其。身。兄。居。昌。因。亂。相。失。  
跋。涉。相。尋。凡。二。年。行。數。千。里。遇。於。贛。挈。以。歸。分。產。共。之。邑。五。都。  
海。塘。決。漂。室。廬。亡。算。捐。千。金。興。築。邑。人。立。石。紀。焉。雍正。初。入。祀。  
鄉。賢。又。江。孝。子。大。賓。泰。甯。人。生。數。月。父。遊。學。京。師。轉。徙。山。陝。閒。  
落。魄。不。歸。孝。子。稍。長。痛。不。見。父。誓。不。欲。生。俄。聞。父。在。漢。中。遂。辭。  
母。往。尋。貧。且。病。長。途。孤。影。溘。死。者。數。矣。抵。漢。中。不。宿。旅。舍。席。荒。

芻蕘草中號泣周詢久之竟得父扶以歸父年七十矣又數年卒於家有以尋父狀問者孝子輒諱之不欲以孝名

鄭孝子事畧

吳國擊

何履旭

李盛山

林開登

鄭孝子江字若庵福建侯官人慷慨有至性母葉病將革孝子  
割股和羹以進母霍然起曰兒創無恙乎適神告我病將立瘳  
順治五年大饑穀數斛可易田十數畝孝子謂其妻陳氏曰美  
田宅易得也乘人之急而利之不義擁餘粟而坐視無告不仁  
且遠計子孫何如近憐兄弟氏曰善乃以穀分贍宗族塾師劉  
慶開妻歿爲其孤里中有周九者重困官役父子三人將仰  
藥孝子排戶入贈金力救其死有販豕者被竊喪其貲窘甚走  
投河孝子資以金如其亡數得不死聞者義之又吳孝子國擊  
何孝子履旭皆閩籍並割股療親病而李孝子盛山林孝子開

登則並以割肝救母聞

國學福清人。父鼎臣。官永定訓導。病篤。孝子割左股作羹。以進。未愈。羹右股。遂痊。越三年。父沒。海寇逼城。孝子負母鼠。母病。孝子自割如前。病亦愈。履旭。字君章。福清人。父其達。早世。奉節母葉氏。竭力色養。母疾篤。倉皇籲禱。一夕夢神授藥。手按其股。乃焚香告天。割股和藥。以進。母尋愈。待兄弟極友愛。著有心鳴集。盛山。姓李氏。羅源人也。母鄭。遇重疾。孝子禱於神。割肝作羹。以進。母竟卒。孝子亦卒。雍正六年。事聞。得旨。割肝療疾。事雖不經。而其迫切救母之心。實難得而可憫。其子旌。而同時林孝子。割肝救母。年纔十四。其事爲尤奇。林字亮中。名聞登福清人。



謝孝子事畧

陳開運  
余萬春

賴用賢  
鄧成珠

李人鳳

李人彪

謝孝子獻恂。福建甯化人。事親至孝。嫡母雷氏無出。父客外。再娶王氏。生孝子。父旋卒。孝子扶生母歸里。奉嫡母雷。克盡子道。雷卧病。孝子刲股和藥以進。病立愈。順治中。邑令何鳳岐表其門。爲請旌焉。時有陳賴李。余諸孝子。皆閩產。並以卓行聞。而鄧成珠者。家貧。至偏力以食。亦以純孝著。

陳孝子開運。字而鈞。清流人。父病。割股以進。兄弟八人。友愛無間。言縣令賈漢儒請旌其門。同邑諸生賴用賢。字鴻達。侍母瘖疾十年。躬調湯藥。衣不解帶。母歿。苦寢。極側哀。毀骨立。五世同居。人稱陳賴云。李孝子人鳳。字亦凡。長汀諸生。嘗爲其祖母

祗癯居父喪不食七日弟人彪亦刲股療親病時稱一門兩孝子。余孝子名萬春。清流人。邑諸生。母病。刲股調藥。母卒。哀慟以頭觸柱絕。而復甦。苦次。獸粥茹素。三年如一日。鄧孝子成珠者。秦甯人也。家故貧。父早卒。傭於廖氏。距家數里。日乞米一合。味日趨。送母所疾。趨反供。主役亡。何母目盲不能炊。乃負母依主家旁舍。朝夕手自飯之。久而主有微言。孝子曰。某自減餐奉母。不敢重累主人也。晨昏弗懈。便溺必親者五年。母卒。日夜長號。聞者皆流涕。葬畢。辭主人不知所之。

沈孝子事畧

沈孝子萬育。字和卿。江蘇常熟人。鼎革時。避亂。負母周氏。行於野。遇盜。奪其糈。母固不與。盜怒。將殺之。孝子泣而求代。並得免。鄰人失火。延母寢。母疾方劇。不可以變。孝子號痛呼天。天反風。火以息。母年八十餘。疾危篤。醫皆言法不可治。孝子割股以進。弗瘳。夢緋衣神告曰。疾非五藥所能治也。醫凌某在雙林。速致之。凌至。以針達之。霍然愈。孝子性好義。屢建橋梁。施棺槨。以成母志。卒於康熙四十九年。年九十有四。臨終。惟呼父母。子六。皆爲諸生。其二登鄉薦。孫淑官編修。嘗乞方侍郎苞誌其墓。侍郎之言曰。嘗怪書傳所紀。以孝感鬼神。而得異徵者。大抵皆獨行。

之士而聖賢則無之。蓋聖賢之學。至於知命而不惑。雖事父母亦盡其心與力之當然而止耳。獨行之士。悲憂感發若焦若熬。常欲殉以身命。故精氣之積而鬼神爲之通理。或然也。學者以爲知言。雍正四年旌。

國朝先正事畧卷五十七 孝義

平江李元度次青集

王孝子事畧

王孝子恩榮字仁庵山東蓬萊人也爲人原款而深挺造次不能以文自遂縣小吏尹奇強性險猾頗以巫醫之術有寵於官孝子父永泰因真產與角口被毆中要害立死時孝子甫九歲祖母劉氏年高訟之官不得直僅給埋塋銀十兩祖母傷痛自縊孝子母劉氏健婦也瘞其姑槩厝永泰棺於市僦屋其旁居之大書曰殺爾父者誰也泣血三年病甚呼孝子至榻前授以官所給銀曰汝家以三喪易此海枯石爛存此志恨不可忘也

孺子識之。孝子游羅大事家。盡落依舅以居。厲志讀書。稍長。補諸生。誓於父柩前。尋仇。以斧自隨。其舅患之。誘使居長山島中。禁勿令出。且告之曰。孺子志誠善。但殺人者死。國法也。爾父之鬼餒矣。孝子流涕聽命。每晝取史記伍子胥白公列傳。朗讀。讀已。痛哭。夜靜焚香。長跪告天。絮語達旦。時或困倦。假寐。輒連聲。魔厭大呼。怨家在此。年二十八。舉子辭於舅曰。可矣。遂行。踰月。忽遇奇強於道。揮斧急擊。稍遠不中。乃投以石。仆地道旁。人爭抱持之。得免。奇強諱不言。裹足不出一日。偶獨立門首。又爲孝子所見。直前斫中其首。帽厚偏引至耳。扶傷脫走。其家奔訴於官。時已年遠。吏胥案牘無可證。孝子出母故所弄銀陳之。訟庭。

殊批爛然。旁以血書。鈐之。縣令嘆曰。至性人也。吾欲尼爾。則傷  
中天之恨。欲聽爾。則違累赦之條。周禮調人之法。具在各爲趨  
避已耳。孝子於是噉然而哭。縣令亦哭。堂廉內外觀者。盡哭。孝  
子既再舉。不得奇強。亦遠遁棲霞。相隔八年。適蓬萊人有患病  
者。力延奇強。請治。奇強亦以事久稍安。入城過一小巷。四顧無  
人。方衰哀間。孝子突出扼之。奇強皇窘。伏地乞哀。孝子曰。吾父  
遲爾久矣。遽劈其腦。腦裂以足。連蹴其心。而絕於時。見者驚出。  
不意相率前擁孝子。孝子笑曰。豈有白日殺人。乃畏死者。遂自  
繫赴縣。會奇強家訟。當日永泰。故自縊。非毆死。縣令欲開棺驗。  
視孝子曰。某已有子矣。甯抵死。不忍再暴父骸。叩頭出血。縣令

固然乃爲博稽於介冢。皆曰孝子言是。遂具牒。法司。法司議曰。古律無復仇之文。然查今律。有擅殺行凶人者。子杖六十。其卽時殺死者。不論。是未嘗不教人復仇也。孝子父死之年。尙未成童。其後疊殺不遂。雖非卽猶卽也。觀其視死如飴。激烈之氣。有足嘉者。相應特予開釋。復其諸生。卽以原存埋葬銀。還給尹氏。以章其孝。且將具題請旌孝子之舅。聞之。見有司曰。孺子求見其父母耳。夫人遭奇禍。以要旌門式。閭之榮。又何忍矣。法司嘆曰。汝亦賢者也。遂止。而祀其母氏於祠。時康熙四十八年也。其時苾孝子事者。撫軍則中吳蔣。及陳錫。提學則北平黃侍。講叔琳。及滇南李觀。察發甲云。



謝孝子事畧 王全

謝孝子萬程河南唐縣人妻李氏楚人也事親孝父儀爲諸生食竈屢困場屋司農旣裁餼廩益屢空孝子夫婦耕織供滸瀝無闕儀老且死不克殮夫婦號泣擗踊里巷哀之然力不能助也孝子目其妻泣若有言不忍李氏知之請自鬻以營葬具目其子俊娃泣時俊娃生甫五閏月不忍戀遂行里巷哀而記之曰康熙某年七月二十日孝子謝萬程鬻其妻葬父鄰村董官店王全者先有子七歲遭寇掠遺唐縣道中有翁嫗養而子之義不得返全乃議置妾以二十四金買李氏氏歸焉泣而請曰妾生士家知詩禮翁死不得已鬻身以葬願早夜供織紙全妾

節君德益洪遠必昌厥嗣全故知萬程夫婦孝至是感其誠惻然許之明年全子所養之家其翁媪皆死得歸全兄大有故與弟積忤誣爲逃人也慙於兵備使者詞連李氏時南陽郡丞漢陽張三異循吏也有異政遠近戴之奉檄按其事全偕其子至曰非逃人吾子也向掠今歸耳詢少婦何人全備述其事詢李氏涕泣自陳具言全節狀且請召萬程察之萬程至具言所以鬻其妻者張公歎曰古有備身以葬親者世傳至孝汝若此可謂孝矣乃笞大有而畀全金賞萬程幣示於衆曰康熙某年七月二十日孝子謝萬程夫婦完聚如初且旌其門曰節孝雙奇於是里巷無遠近咸贈孝子金與粟好事者至演之爲傳奇論

者謂子克孝，婦他適而完節以歸。其去而復返也。歲月日時無  
易。是有天焉。而張公化民訓俗。及王全之。完人節義。皆不可  
及。云。

蕭氏兩孝子事畧

蕭孝子啟聖弟鳳騰。江西樂安縣雲蓋鄉人也。當父喪日。兄七  
齡。弟裁四齡。卽克盡哀禮。如成人。時逆藩倡亂。母氏負抱兩孤。  
避賊山谷。暮陷虎穴。中虎瞋之。啟聖乃身蔽母。泣告曰。請噉我  
母傷。母及幼弟俄而虎竟去。寇平。啟聖年漸長。念母勤苦。乃廢  
書。偕弟力田。以爲養母。以家學弗繼爲憂。鳳騰於是復就學。刻  
苦下帷。燈焰熏帳中。至黝黑不可辨。後雖終於諸生。而母意未  
嘗以爲歉也。兩孝子當母患。則請荆受杖。病則額天祈身代。母  
既沒。兩孝子負土成墳。三年廬其側。祭日。僂聞。僂見如慕。如疑。  
事之若生。時其相友也。自幼至白首。怡怡然於妻子。無所私。如

胡氏婦曾氏。居室禮讓。內外雍肅。數十年如一日。鄉人以爲難。啟聖年四十無子。鳳騰。歷雨雪涉險阻。爲求側室。旣而生男。側室卒。曾氏減次子乳。乳之兄嗣。由是得續。兩孝子聞母言。父平生欲修葺遠祖蕭儀忠諫坊。貧不能舉。齋志沒。康熙庚子。啟聖兄弟力新之。竟克成。親隱。願云。兩孝子沒後。其家五世未嘗析爨。和順之氣。油然而鍾於一門。

王孝子事略 劉必泰 邱永彰 胡士宏

王孝子麟瑞福建南靖人邑諸生八歲喪母能盡哀事繼母如所生母病渴思食青梅孝子繞樹呼號絕食三日是夜梅忽華旋結實摘以奉母病立愈父歿廬墓三年突遇虎虎卻避之間者異焉里人劉陞遺金數百拾而還之俾得完娶雍正元年舉孝廉方正以薦授永平知府歷四川道監察御史同時有劉孝子必泰字闔人莆田人也郡廩生六歲哭母幾喪明父疾露頂焚香乞以身代父偶思石鱗魚伏月不可得孝子夜馳深山中行百里叩瑞雲宮乞神助果獲魚以奉父後父歿廬於墓側每大風雨輒繞墓哀號事兄如父兄歿夜臥柩旁哭聲震四鄰時

稱其孝友。又邱孝子永彰者，龍溪人。弱冠喪父，事母至孝。母病，廬墓哀號，每風雨，聲益悲。鄉人化之。初，以貧不克葬，父數仰天泣血。一夕，斃，筭供母，得金泥中，乃克營。父塚人謂孝思所格云。雍正七年，詔旌其門。又會稽有胡孝子者，名士宏，字大生。父患痼疾，侍湯藥，惟謹。衣不解帶者十五年。雪夜，父渴，思食梨，時城門已扃。孝子繞城隍號泣，忽遇一軍士，指負堞一舍，引之去。得梨以歸，詰旦往謝堞下，不復有。舍惟漢前將軍關侯廟在焉。始悟爲神所使也。父殁，營葬東湖，躬負土石，建隄植木，人呼孝子隄。

黃孝子事畧 子商衡

黃孝子名農字古處江蘇元和人父衰縣學生有孝行生子二長庭次卽孝子孝子年十餘母吳有疾臥牀三載孝子奉湯藥惟謹已復病利方大暑扶掖轉側手除穢瀝閱數十晝夜不懈母卒號慟絕復蘇者數旣歿坐卧不離柩側獨居輒喃喃共母語夢中時作歡笑聲旣覺則大哭如是者逾年葬而歸伏地哭不能起父方教授於外攜入館久之啟其枕漬淚若膏貌瞿然視初喪不異也已而父遷館距家數里孝子念父五日一往省父止之乃私伺門外遇館童出問安否曰安則欣然去或曰否卽趨而進問所苦衰哀不忍去衣服器用時其寒暑輒具以往



父歸左右侍無頃刻離。既成婚。依依若孺子。一夕鼓三下。忽心  
悸。蹶起。謂妻曰。吾父其有恙乎。方嚴冬。不及旦。疾馳至館。父果  
得暴疾。昇以歸。疾甚。時父年五十一。術者言。明年數當盡。會臨  
夕。孝子書黃紙十餘。願減算二十年。益父元旦。徧詣諸神祠。焚  
之。是夕寐覺。喜曰。神許我矣。已而父果以七十二歲終。而孝子  
以三十二卒。孝子事兄篤。友愛。兄舉鄉試。留都門家。事孝子悉  
自任。兩人同歲。舉子媿病乏乳。命妻兼乳之。兒亦不辨其誰也。  
也。平生與人恭謹。犯者弗校。歲饑。減食。食里中餓者。母忌日必  
省墓。涕泣。遇時物。雖微必薦。疾篤。與父訣。哽咽而沒。先時枕邊  
置銀一裏。及是啟視。遂以含。蓋不欲以累父也。後數年。父患心

痛呼號。罔措。一夕恍惚。見孝子問何以來。曰來侍疾耳。手摩其胸。病良已。孝子卒於康熙二十一年。至乾隆五年。巡撫徐公士林揚於朝。以孝子旌。妻金氏年十七歸。孝子孝子將終。語婦曰。吾去侍吾母矣。汝善相吾兒。嫁事吾父。待孤之有立也。勉之時。孤方四歲。遺腹女才七月。婦痛夫死。孝徵身殉者數矣。憶夫言而止。家故貧。事翁極謹。洗滌縫綴。胥自任。不以委家婦。一夕所居室震盪。有聲。急挈兒女出。而屋毀。或勸入媼室。曰。伯在。不可。遂露坐。達旦。翼日召匠新之。不慎。一夕風雨。方寐。若或促之。起立披衣抱兒女走。而牆忽崩。牀几盡敗。裂趨竈。舫以免。終不入媼室也。翁既終。兒女婚嫁畢。節婦以夫亡日設祭。拜且哭。

曰吾二十餘年戰栗自持恐負夫付託之重今幸畢吾事遂長  
齋奉佛終其身雍正二年卒年六十有七其年得 旌如制子  
師憲改名商衡力學砥行陳恪勛公知蘇州拔真第一以諸生  
終少刻苦夜寢刻香繫鐵錘下承銅盤香盡鐘墜擊盤鏗然有  
聲卽驚覺起讀好先儒語錄推衍哉山人極圖說貫以論語學  
庸及橫渠紫陽之緒言曰困學錄父孝母節建坊後擇日奉主  
入祠遂得疾強起拜途尋卒。

胡孝子事畧

海陽有孝子曰胡君諱隆字景初代本素封至其父振御而空落孝子爲奉養計弱冠走京師謀筮仕父卒奔歸營葬哀禮交盡後入貲爲寶泉局大使久之改江南涇縣丞以母老不果就養數乞身上官問之及母訃至孝子哀毀骨立歸見母柩則僵地大慟每一慟輒死復生無何以父墓地勢下思再卜穴合葬之啟父攢見積水蓄壩奮迅躍入穴抱棺長號與土工昇以上其日天寒風虐舉體皆冰孝子不知也既開新穴孝子布苫由其下臥數夜驗有溫氣乃合葬時在仲冬中旬孝子年六十有四矣葬後結廬墓側親負土築墳面驚手破瘡明年歲歉掘野

蔬合糜粥啖之而負土不休去其居平定村十里許三年中不一至也服除補浙之奉化丞權鎮海知縣先是丞涇時嘗攝其縣事又嘗攝旌德盱眙二縣事所至皆有仁恩士民戴之涇邑久旱步禱烈日中行七十里至岑樓潭有蜥蜴三游水面貯以竹筒攜之行不數里震霆大作四境雨霑足邑人呼胡公雨鎮海蝗蟲爲災田野厚積數寸孝子齋三日牒告城隍神蟲頓滅咸謂仁人之感冥漠如呼吸通也孝子有弟五入仕籍後自傷不得事父則致孝於其母視母意所向以厚諸弟爲吏餘三十年矣其卒也至無屋以居平生敦古誼專趨人之急其施於人者皆本原所推賢也長子文伯雍正四年以訓導引見奏對師

旨特擢禹州知州曠典也。孝子時方引疾得家書，猶伏榻北向稽首謝云。

林氏兩孝子事畧 黃學朱

林孝子長貴。閩之福清人。父宗正。弟長廣。皆以兩鹽爲業。宗正以他事入城。至星橋。遇海潮暴至。溺以死。孝子聞之。奔救不及。仰天長號。投橋下死之。長廣繼至。繞岸痛哭。亦自沈。時雍正九年七月十七日也。孝子卒時年二十有六。弟二十有四。里老感其孝。莫不流涕。相與收三尸。殮焉。既於官。同知張良弼捐俸卹其家。各大吏助葬金有差。明年得旨旌門。先是順治間。土寇陳德容作亂。有黃義士學朱者。甌甯諸生。孝子同郡人也。與弟俱被執。度不能兩全。乃紿賊曰。家有薄產。釋吾弟歸。以其直贖我。何如。賊疑之。欲遣學朱。學朱曰。我秀才也。豈重於弟。賊遂釋。

其弟歸資無業可售也未幾學朱竟被害聞者哀之。



李孝子事畧

李孝子名維煌字裕光江蘇寶山人也。生十歲而孤。方父疾時。日夕籲天。進湯藥。必親嘗。及父歿。哀慕逾常。兒終三年不離柩。次人呼小孝子。家貧無以養母。乃棄舉子業。任門戶。力求甘脆奉母。而自食藜藿。母偵知之。呼與共食。遂長齋淡食。以慰母焉。母得喉閉疾。醫莫能療。孝子復籲天。三晝夜。母夢道者。授以鍼。曰。以汝子故。爲汝治之。汗浹背而愈。又嘗患背創。醫言當用艾灸。孝子恐母不勝痛。先自試。果大痛乃止。夜稽顙北辰。願減算。以益母壽。亦獲愈。雍正十年七月。海上颶風大作。孝子所居江灣。距海不二十里。水至屋將圯。孝子負母匿几下。俄鄰屋俱毀。

而孝子室獨全。有弟爲叔父後。幼多疾。廢業。孝子輒分財與之。弟歿。字其孤。迎叔母共養焉。孝子事母未嘗一息離。其從兄錫泰巡撫廣西。欲招孝子往。孝子曰。吾安能一日離吾母哉。遂謝之。先是孝子喪父逾年。又遭祖喪。兩世孤露。不能葬。嘗布衣屏居。不與筵會。人或勸之。輒流涕曰。禮不葬不釋經。吾有痛於中也。及卜地葬。隆冬盛冰雪。手運灰土。偃卧垂絕。燼火灌以湯。乃甦。體素羸。竟以是病。將卒。屬二子善事祖母。奉母手大慟。燈目而絕。孝子歿於乾隆五年。又十五年得旌。建坊江陵里。